

大元聖政國朝典章

戶部卷之九

典章二十二

農桑

立司

立司

見聖政勸農桑類

○廣德二年至元十年三月欽奉

聖旨宣諭府州司將遠近管花赤管民官管軍官管站人匠打捕鷹鷂房僧道醫官儒士里可溫答失赤頭目諸色人等據大司農司奏設立本司元交試勾當三年來今已三年若父依舊勾當更不冊降聖旨諸官不肯盡心勾當准奏今降聖旨安大司農司依舊分冊勸農官巡行動課農桑與奉水利奉祭勤惰仰各路大小官與社長人等照依已降聖旨條登依時用心勸課與奉一切種養志在桑棗水利奉校等事須要成功具中大司農司及合干部分如長官有故或聞去處以次官不得推辭盡開月日失誤勸課農桑與奉水利勾當任滿交代官真給付辭由上明注文交割到農事實跡如有不完給由判署官與得替官同罪按察司依舊體察如官真到部求仕仰合干部分冊勘解

由完備呈省行下大司農司取會相同然後擬注期於數本抑末功
效必成仍仰少部樞密院御史等各遍行所轄官司軍民諸邑人
等照依已降聖旨條益施行不得中間違例沮壞若有勒謹裁到蔡
棗諸果及開到荒地之人非奉聖旨並不得添增差發如有不肯勒
務生業之人亦仰合屬官司嚴加禁治又奏探馬赤等軍戶推避不
肯入社又不存留義糧亦不肯與諸人一体開具水利如所奏是實
呵這的是衆人有益的勾當偏恣探馬赤軍戶每如何不一體入來
聖旨到日仰探馬赤軍戶等官人每省會各村見住處並行入社存
留義糧合開水利與諸人一体施行

立社

○勸農司

一十五款至元二十八年尚書省奏奉

聖旨節該將行司農司勸農司衙門罷了勸課農桑事理併入按察司除
遵依外照得中書省先於至元二十二年六月十二日
奏過事內一件奏立大司農司的

聖旨奏呵與者麼道

聖旨有來又仲謀那的每行來的

條畫在先他省官人每的印信文字行來如今

條畫根底自家文字裏交行呵怎生麼道奏呵那般者麼道

聖旨了也欽此今將

聖旨定到條畫開坐前去仰依上勸課施行

○諸縣所屬村疇凡五十家立為一社不以其何諸色人等並行

立社令社數推年高通曉農事有兼丁者立為社長如

一村五十家以上只為一社增至百家者另設社長一員

如不及五十家者與附近村分相併為一社若地遠人稀

不能相併者斟酌各處地面各村自為一社者聽或三村

五村併為一社仍於酌中村內選立社長官司並不將

社長差占別管餘事專一教勸本社之人務勤農業不致惰廢如有不肯聽從勸教之人善記姓名候提點官到彼對社衆責罰仍省會社長却不得因而搔擾亦不得率領社衆非理動作聚集以妨農時外據其餘聚衆作社者並行禁斷若有違犯從本處官司就便究治

○農民每歲種田有勤謹趁時而作者懶惰過時而廢者若不明諭民多苟且今後仰社長教諭各隨風土所宜須管趁時農作若宜先種儘力先行布種植田以次各各隨宜布種必不得已然後補種晚田瓜菜仍於地頭道邊各立牌匾書寫某社長某人地段仰社長時時往來點視裝謹誠情不致荒蕪仍仰隄備天旱有地主戶量種區田有水則近水種之無水則鑿井如井深不能種區田者聽從民便若有水田人家不必區種據區田法度另行發去仰本路刊板多廣印散諸民若農作動時不得無故飲食失誤生計

○每下週歲須要糊栽桑棗二十株或耐宅栽種地桑二十株早供蟻蚕食用其地不宜栽桑棗各隨地土所宜栽種榆柳等樹亦及二十株若欲栽種雜果者每下限種一株皆以生成爲定數自願多栽者聽其便

丁數不若前年已栽桑菓數目另行具報却不得朦昧
在此照若前年已栽桑菓數目另行具報却不得朦昧
報充次年數目或有死損從實申說本處官司申報不實
者並行責罰仍仰隨社布種首宿初年不須割刈次年收
到種子轉轉分散務要廣種非止喂養頭疋亦可接濟幾年
隨路皆以水利有渠已開而水利未盡其地者有全未會開
種并拘可挑撥者委本處正官一員選知水利人負一同
相視中間別無違碍許以量力開引如民力不能者申覆
上司差提李河渠官相驗過官司添力開挑外據安置水
碾磨去處如遇泥田時月停住碾磨澆溉田禾若是水田
澆畢方許碾磨依舊引水用磨務要各得其用雖有河渠
泉脉如是地形高草不能開引者仰成造水車官為應副
人匠驗地里遠近入戶多少分置使用富家能自置材木
者令自置如貧無材木官為買給已後收成之日驗使水
之家均補還官若有不知造水車去處仰申覆上司開樣
成造所據實鹽運糧河道仰各路從長講究可否申覆合
干部分定奪利國便民兩不相妨

○近水之家計鑿池養魚并鶉鴨之類及栽種蓮藕雞頭菱角
蒲葦等以助衣食如本主無力栽種召人依例種佃無致

開畝無用據所出物色如遇貨賣有合稅者依例赴務投
稅難同自來辦課河泊勅立課程以致人民不敢增修

○

本社內遇有病患凶喪之家不能種蒔者仰令社衆各備糧

飯器具併力耕種鋤治刈俱要依時辦集無致荒廢其
養蚕者亦如之一社之中災病多者兩社併鋤外據社衆

使用牛隻若有倒傷亦仰照依鄉原例均助補買比及補
買以來併力助工如有餘剩牛隻之家令社衆兩和租賃

○

應有荒地除軍馬營盤草地已經上司撥定邊界者并公田

外其餘撥下探馬亦官豪勢要之家自行占冒年深荒開
地土從本廳官司勘當得實打量見數給付附近无地之

家耕種爲主先給貧民次及餘戶如有爭差申覆上司定
奪外拋祖業或立契買田地土近年消乏時暫荒閑者督

勸本土立限開耕租佃要不得致荒蕪若係自來地薄輪
番歇種去處即仰依例存留歇種地段亦不得多餘冒占

若有熟地失開本土未耕荒地不及一頃者不在此限及
督責早爲開耕

○

每社立義倉社長主之如遇豐年收成去處各家驗口數每

口留粟一斗若无粟抵斗存留雜色物料以爲備賑就給

各人自行食用官司並不得拘檢借貸動支經過軍馬亦不得強行取要社長明置文曆如欲聚集收頓或各家頓放聽從民便社長与社戶從長商議如法收貯須要不致損害如遇天災凶歲不收去數或本社內有不收之家不在存留之限

●本社若有勤務農桑增置家產孝友之人從社長保申官司体究得實申覆上司量加優卹若社長与本社官司体究所保不實亦行責罰本處官司並不得將勤謹增置到物業添加差役

●若有不務本業游手好閑不遵父母兄長教令竟徒惡黨之人先從社長丁率教訓如是不改籍記姓名候提點官到日對社衆審問是實於門首大字粉壁書寫不務本業游惰竟惡等名称如本人知耻改過從社長保明申官毀去粉壁如是不改但遇本社合着夫役替民應當候能自新方許除籍

●今後每社設立孝校一所擇通曉經書者為孝師於農隙時分各令子弟入孝先讀孝經小孝次及大孝論子孟經史務要各知孝悌忠信數本拘未依鄉原例出耕束脩自願立

長率者聽若積久率問有成者申覆上司照驗

○若有虫蝗遺子去處委各州縣正官一員於十月內專一巡視本管地面若在熟地併力番耕如在荒野先行耕園藉記地段禁約諸人不得燒燬荒草以免來春虫蝗生發時分不分明夜本處正官監視就草燒除若是荒地畝狹無草可燒去處亦仰從長規畫春首捕除仍仰吏爲多方用心務要尺絕若在則蠶草地內虫蝗遺子者申部定奪

○先降去詢問條畫並行革去止依今降條畫施行

○若有該載不尽農桑水利於民有益或可預防蝗旱灾咎者各隨方土所宜量力施行仍申覆上司照驗

○前項農桑水利等事專委府州司縣長官不妨本職提點勾當若有事故差去以次官提點如或有違慢沮壞之人取問是實約量斷罪如有恃勢不伏或事重者申覆上司究治其提點不得勾集百姓仍依時月下村提點止許將引當該司吏一名抵候人一二名无得因而多將人力搔擾取受據每縣年終比附到各社長農事成否等第開申本管上司却行開坐所管州縣提點官勾當成否編類等事申覆司農司及申戶部照驗才候任滿於解由內分明開

馮排年考較到提點農事功勤情發爭跡赴部照勘主首
欽依見降

聖旨比附以為殿最提刑按察司更為體察

○**三元勸** 二款訪社長本為勸農而設近年以來多以差科干擾大

失元立社長之意今後凡催差辦集自有里正主首其社長使專勸
課凡農事未喻者教之人力不勤者督之必使農盡其功地盡其利
官司有不從導守妨礙勸農者從嚴政罪訪司究治

諸州縣官勸農 社內有游蕩好閑不務生業累勸不改者社長須
得對衆申明量行懲戒其社長若年小德薄不為衆人信服即聽詢
舉深知農事高年純謹之人易換

○**察院呈據蒙古都萬戶府呈元准河北河南道按察分司省會將探**

馬赤軍人與諸人一体入社依例勸課事府司照得先欽奉

聖旨節該干礙軍數文卷按察司休刷者除遵依外府司看詳按察司為
朝廷腹心耳目尚然不許知會軍數蓋為軍國事可宜密切所以如此
關防若將本管蒙古軍人却為漢兒民戶一同入社其各處管民官
司備知單府見蒙古軍數又緣本管蒙古軍人自來不曾為漢兒民
戶一同入社於公不便若將本管蒙古軍人另行為社今見設本管

輿舊官一體勸諭農事似為相應具呈昭詳事得此於至元二十九年三月二十日

奏過事內一件既見元化奏將來有兼訪司官人每俺根底与文字省官每奏甚蒙古探馬赤每根底与漢兒民戶一處作社者庶道与文字來俺怎生理會察道說將來有俺商量家室的數目交他知道的身体照有察道奏河休与漢兒民戶一處相合者依着方戶的体例裏另行者庶道

望旨了也欽此

○天德三年四月初六日江西兼訪司拋龍興路牒該奉行省割付准中書省官為設立社長事先據知事張登仕呈近為陸續交揚到於各州鎮到社長人等係婦人小兒問得該吏稱說自至元二十年立社長經今五年多有逃亡事故為是不曾申奉到官未經補替切詳設立社長勸課農桑使民知務本尊奉學校申明孝悌使貧倫收叙糾斥克頑檢察非違使風俗歸厚皆非細務今各處社長多不見年高德劭通曉農事為衆信服之人大失元立社長初意乞施行得此合牒可照依都省咨文內事理將年高通曉農事之人立設社長並不得差占別管餘事專一勸教本社人民務勤農業不致惰廢仍免本身雜役毋得以前設立不應并別行差占妨

○ 吳蒙事將立定社長姓名牒司

○ 行御史

六德六年正月 日江西湖東道肅政廉訪司承奉

行御史

御史憲法奉奉 中書省劄付翰林侍講李士

王中順官奉省劄前來賑濟淮東被風潮災傷人戶當時行省劄左

丞御史臺所委官淮東廉訪司張養奉分頭前去各州縣審復賑散

一二箇月糧米今已俱還揚州橫造文冊候畢另呈外緣卑職元分通

州一州靖海海門兩縣取極東邊下鄉其間見有勾集人戶編排引

審次序支請蓋係社長居前里正不預多有年小愚駮之人並發亦

脛言語朝嘶怪而問之州縣官自同辭而對目今諸處通例如此甲

職照得初立社長根源欽奉

世祖皇帝聖旨條畫節該諸州縣所集村疇九五十家為一社不以是何

諸邑人等並行入社令社長推奉年高諳知農事者為社長不得差

占別管餘事又照得欽奉

聖旨隨處百姓有按察司有達魯花赤管民官社長似彰德益都兩處一

般反賊每呵他管什麼已後以那般有呵本如達魯花赤管民官社

長身上要罪過者致此切詳按察司達魯花赤管民官下便列社長

責任非輕當時又立李師每社農隙教誨子弟孝悌忠信勤身肥家

遷善遠罪故孟子九言王政必以農桑序序為先

國家所行摘此二事就委按察廉訪官勸課農桑勸勵學校亦此意也

社長社師外似迂緩中實緊切况兼

至元新格內一欵節該社長近年多以差科干擾今後催督辦集自有
里正王首使專勸農官司妨礙者從兩政廉訪司糾彈社內有游蕩
好閑不務生理累勸不改者社長對衆率明量示懲勸其年小德薄
不爲衆人信服即听推率易換諸假托神靈夜聚明散凡有司禁治
事理社長每季演說諭使民知畏毋陷刑憲累奉如此卑職伏思自
中統建元迄於今日良法美意莫不畢備但有司奉行不至事久弊
至社長則別管他事社師則廢棄不行以至如逆賊段丑厮輩貫穿
數州恣行竊賊元人解語首二事廢墮失其元行之所致也斯乃賤
濟下鄉規所見愚意以爲合行申明舊例令社長依前勸課農桑
誠飭游蕩防禁姦非不啻餘事則百姓富社師依前農隙闡率教以
人倫不敢犯上則刑罰消民富刑清爲治之本所見如此除已移牒
兩政廉訪司照依累奉

聖旨糾彈易換外如其可採乞賜劄付御史臺行下諸道一体施行得此
照得先據大司農司呈會驗至元七年二月欵奉

聖旨勸農條畫內一欵節該諸縣所屬村疇凡五十家立爲一社令社衆
推率年高通曉農事有兼一者立爲社長官司並不得差上別管除

事專一照管教勸本社之人務勤農業今体知得府州司縣性性性
年小不通農事之人立為社長時常差占有妨勸諭農民深為未便
擬合劄刊各道縣訪司行移合屬將不通曉農事之人各行革罷選
年高通曉農事者立為社長並不得差占別管余事專一教勸本社
之人務勤農業不致墮廢已於大德二年正月二十五日遍行合屬
依上施行去訖今據見呈都省除外合下仰照驗欽依已降

聖旨事意施行

勸課

○中照得欽奉

聖旨條畫天兵渡江以來田野之民不无擾動今已撫定宜安本業仰各
勸正官歲時勸課如無成效者糾察又欽奉

聖旨即該提刑按察司官所至之處勸課農桑問民疾苦欽此除元行外
又於諸書內採擇到樹桑良法開坐遍行所屬督勸社長勸諭農民
趁時栽種外乞照驗憲臺仰行移所屬依上施行

齊民要術收黑桑椹以水淘子畦種者齊民要術辨令淨如種桑法
土不得厚即不生待高一尺又上糞土一遍

○泥勝之書曰四月取椹著水中淘洗取了陰乾每田一畝
用椹子二升黍三升相合布種黍桑俱生鋤令稀疎秋後

刈倒厥有風走火燒過桑至春生每畝可飼蚕三斤

○務本新書畦種東西撒畦熟糞和土糞平下水濕透然後

布椹子和黍子同種想糞黍力易生又遮日也仍須於畦
南畦西種麻後藉陰遮映夏日長至三二十寸旱則壅之十
月之後桑與黍甘同時刈倒因風燒過仍糞糞土蔽及來

春榮淺每科自出芽三數個留旺者一條次年移栽

又一法春月先於熟地內東西成行勻稀種麻將桑根與蚕沙相和或炒黍穀亦可雨後於麻北單耩或點種比之搭棚遮日與黍同種綠蔭陰高密又透風露雖種數畝不甚委曲費力

七

養民斐術桑根畦種正月移而栽之每一坑栽一根將根

坐於泥中欲疾見工者栽一根按至坑底提三五次根料舒頓頂與坑平擁周圍熟土令坑滿次日築實用虛土封堆如大鐵子樣厚五七寸周圍自成環成芽出虛土四五指每一根止留一二條澆鋤如法當年可長五尺餘次年附根割除葉飼蚕割過處每一根盤周圍數芽却出可留四五條餘者刪去年年附地割之根漸旺桑漸多

齊民要術正月二月以鈎拔壓下枝着地渠條桑生高數寸壅之濕則爛明年正月月中截取栽之

仕民必用春氣初透將地桑條邊一條梢頭截了三五寸地上先斃一渠可深五指餘卧於內用拘攬子攪釘注懸空不令有土其後芽條向上生如細把齒條條上約五寸留一條其餘剝去至四五日間晴天已午橫條兩邊取

執糖土擁橫條上成壠橫條即爲卧根至晚澆其根引至
秋其芽條皆爲條身至十月或次年春分前後於卧根頭
截斷取出土窟間空處所斷如拐子樣每一根爲一栽此
法出蠶栽子无窮

法 士農必用將畦內種出桑料連根掘出栽如前法待桑身
長五尺餘割去梢子則橫條自長澆治有功至秋長大如
壯椽十月內或次年春可移爲行桑

○**提調點觀** 大德三年五月 行御史臺准 御史臺咨

奏過事內一件教百姓每謹慎種養栽接的路府州縣官提調着依時
親身點觀者兼訪司官也提調點觀者麻道司農司

聖旨條畫裏這般該着有這般接次重併點觀呵百姓每生受親臨百姓
的州縣官點觀者除那的外路府州官等則依体例提調呵中也者
說有似這言語在先十人題說去文書呵他說的是有教那般行
者麻道行文書來保

聖旨條畫裏該載的言語麻道御史臺司農司官又每俺根底回將文書
來他的言語是有這般行呵怎生商量來奏呵奉

聖旨那般行者如此

○**法** 至大元年三月行臺准 御史臺咨奉 中書省

割付蒙古文字譯談大德十一年九月二十三日欽奉

聖旨今年百姓每田禾好生不曾收成來法薛歹背生赤

諸丑駙馬的伴當計外各枝兒等食踐田禾入百姓每的場裏奪要田禾雞米草菜蘿蔔眼敗負百姓每也者如今省官人每行文書祭約旨這般曉諭使氣力奪斐田禾雞米草菜蘿蔔等物的人每拿住呵打七十七下拿住的人根底去賞發道傳

聖旨欽此

○勅諭至元十七年四月 御史臺承奉 中書省割付會

驗累經欽依

聖旨條畫行下合屬委自提點止官深加勸課越時多廢開耕布種開植桑棗樹木開闢地土頃畝具奉水利義倉新舊見在切恐怠惰都省相度仰合屬常切體履施行

○勅諭江西行省准 中書省咨至元十八年七月十五日

奏過事內一件江南勸課農桑那裏的路官每親身巡行呵搔擾百姓有不交行呵心生廢道奏呵与理會的南人每一處商量了說者麻着聖旨有來俺衆人与南人每一處商量那的每也則這般說有江南勸課農桑的不交官人每提調着呵百姓每也不怠慢向前有不交官人每巡行依時前行文書呵中也者麻道說有俺也那般商量來麼

道奏河那般者麼道

聖旨了也欽此

○續編至天三年二月 尚書省奏奉

聖旨大司農司揆挈天下農政設季校以養人材積義糧以備凶歲滋養
栽植興水利當勸罰隋期於敦本抑末官民官依時勸課廉訪司
提調年終通行比較考其殿最類申大司農司定奪黜陟務要实效
无事虛文所有條畧開列于后

○續編農桑國家經賦之源生民衣食之本案降

詔條勸課而有司奉行不至加之軍馬營寨飛放圍獵喂養馬馳牧放
係官頭疋人等縱放食踐田禾損壞樹株以致農桑墮廢今
後路府州縣達魯花赤長官常切禁約若有違犯之人斷罪
陪償各官頭目有失鈐束具名以聞各處和買禁新毋令百
姓砍斫桑棗送納及街市貨賣違者斷罪提調官禁治不嚴
亦行究治

○續編吳李季校王政所先蓋自累朝教養不輟迄今未見成效今後
路府州縣正官教官照依累降

條畧王頌教勸應訪司常加勉勵務要作成人材以備擢用

○續編播種當時雨澤應候農作方急官司却行科着人夫差倩車牛

妨奪農時致有愆期不能下種今後人民農作收刈時月但有一切造作夫役等事本管官司非奉省部明文毋得擅將

力田農民差倩撻擾違者廉訪司究治

田間溝渠勢要之家阻畝不得開挑縱自流通却行滄淺隣田各處官司常加曉諭相地開濬使水有歸毋令互相滄沒違者究治工役大者申官究奪

秋耕其利甚大除牧養係官馬馳去外照依元行

條畝秋耕

一半其餘去處隨其風土所宜听民依力秋耕

每社設立社長一名令社眾推年高有德通曉農事者充專

一教勸農民務勤農業不致墮廢今後路府州縣並不得將社長差占別管余事違者當該官吏斷罪廉訪司常加体究

農民栽植桑棗今行已久而有司勸課不至曠野尚多莫是知年

例考較總為虛數自今除已栽樹株以各家空閑地土十分為率於二分地內每丁栽栽桑棗二十株其地不宜桑棗各

隨風土所宜願栽榆柳雜果若多栽者听皆以生成為數若

有死損驗數補栽本年已栽桑果等樹次年不得驟斃然數重報現民官時加點檢勸課依期造冊申覆本管路府体覆

是實保結詳呈廉訪司通行体究若有虛冒嚴加究治年終

比附最類申大司農司以憑議降

該載不及事理照依累降

修會事理施行

栽種

○開田或墾荒限至元八年四月初三日御史臺奉 尚書省劄付
先爲人戶凡有開荒作熟地土限五年驗地科差行據大司農司詳
究得 中書省

奏准條畫內一款若有勤務農桑增置家業本外官司並不得添加差
役已經通行照會外若不立定年限恐民元以取信除地土開荒作
熟月日爲始限五年外墾創栽桑科并雜果等樹比及生成得力桑
科擬限八年雜菓等樹擬限一十五年自栽種月日爲始驗各色年
限滿日本外官司至日申覆上司定奪科差本司官於三月十九日
開奏過奉

聖旨那般者欽此

○開田或墾荒限至元九年二月欽奉

聖旨諭隨路達魯花赤管民官管軍官管站打捕鷹房僧道醫儒也里可
溫杏失查贖目諸色人等據大司農司奏自大都隨路州縣城郭周
圍并河渠兩岸及通鋪道店測畔各隨地宜官民栽植榆柳槐樹令
本處正官提點本地分人護長成樹條官栽到者各家使用以爲官
民兩益准奏隨路委自州縣正官提點春首栽植務要生成仍禁約

蒙古漢軍探馬亦權勢諸色人等不得恣縱頭疋嚼咬亦不得非理
斫伐違者仰各路達魯花赤管民官依例治罪本處官却不得因而
擾擾違錯

○**至元十七年十月** 中書省蒙古文字譯設 中書
省官人每根底站奇言語燕帖木兒兄弟教養每年進將來的樹橙
樹木蜜子每不收拾斫伐損折有麼道奏河省官人每根底說了
河各路裏各蜜子城子裏交与將文字去者休交斫伐損折了好生
的收拾去麼道

聖旨了也欽此

○**勸諭茶園** 元貞元年二月十二日大司農司據江西等處權茶
都運司狀申本司副使脫和思朝請體該會驗欽奉

聖旨條畫內一款舊來茶園諸人不得斫伐縱恣頭疋嚼咬損壞違者重
行斷罪欽此近年茶稅重大務官刁蹬人難却有一等愚民因而斫
伐茶株性性改業誠恐虧損官課參詳茶課理合照依勸課農桑令
各處管民官不妨本職勸諭茶園磨戶廣栽茶株時月採摘造茶
不得似前斫伐仍禁約縱恣頭疋嚼咬等事牒請施行准此照得勸
諭栽茶即与勸課農桑一体俱隸各路有司親官申乞施行本司台
下仰通行合屬依上勸諭依時栽種施行

○ 大德五年五月行臺准 御史臺咨據監察御史王

夫農桑首百姓衣食之原

國費之本不為不重今体知隨處官司每年雖合民間栽植其舊有大樹逐年以來被一等不務本業捨此為生之徒竊見身捐頗有枯槁去必用斧劈砍作柴貨賣以養妻子地主雖見不能禁止亦有自行砍斫之家其元砍痕跡經值歲月又以枯乾一復一年依前劈砍每樹十分劈去六七者有之八九者有之連根砍去者有之風雨刮折者有之因此十損八九若不早為禁治深不便益原其情由蓋因管民官不為用心禁治各道廉訪司少加体察以致如此卑職看詳擬合遍行隨處官司自今而後嚴切禁約排門粉壁仍許諸人捉拿首告將犯人痛行斷罪陪償廉訪司常加体問且呈照詳得此照得元

貞元年五月初二日欽奉

聖旨節該今後但是田禾裏交頭口入去交契呵桑菓樹木所伐了呵

啣咬了呵折折了呵城子裏違管花赤總管每就便提調者依在先

聖旨這般宣諭了呵城子裏違管花赤總管不好生用心禁約呵覷面皮

不交陪呵

咱每根底委者教此

水利

○**興修水利**至元九年二月欽奉

聖旨諭各路達魯花赤管民官管站打捕鷹房僧道醫儒也里可溫各失
資頭目諸色人等以爲隨路可興水利遣官分道相視見數特命中
書省樞密院大司農司集議得於民便益皆可興開爲此令降

聖旨仰大司農司定立先後因率去處委巡行勸農官於春首農筆未忙
秋暮農工閑慢時分分布監督本路正官一同開挑所用人工先儘
附近不以是何人戶如不敷許於其余諸色人內差補外據修堰渠
闡一功物件必須破用官錢者仰各路於保官差發內從實應付具
申省部務要成功先浚本路定立使水法度須管均得其利拘該開
渠地面諸人不得遮當亦不得中間沮壞如所引河水干礙漕運糧
鹽及動碾磨使水之家照依中書省已奏往條畫定奪兩不相妨若
已興水利未及其地或別有可以開引去處畫圖開申大司農司定
奪與率勸農官并本處開渠官却不得因而取受非理搔擾

○**開闢農田**至元二十九年閏六月欽奉

聖旨諭旨宣諭諸路府州司縣達魯花赤管民官提點農桑水利官吏人
等據中書省奏在前爲勸農的上頭各處立著勸農司衙門來後頭

罷了併入按察司時節按察司名兒裏去了聖方來如今按察司改做肅政廉訪司也依那條例裏倒換了他每

聖旨宣諭似望各各尽心早得成就往奏仰各道肅政廉訪司官照依降聖旨施行勸課奉察勤惰隨路若有勤謹官員仰各路具實跡報施行勸農官休得得實申文司農司呈省

聞奏於銓選時定奪如文字遲慢仰肅政廉訪司官即將當該司吏對提點官責罰如更遲誤將經歷知事按牘官及勸農遲慢司縣提點官就便取詔申大司農司責罰其各路并府州提點官違慢者大司農司取招呈首定奪外據社長委有公勤实效之人行移巡行勸農官休得得實申文大司農司定奪如有違慢者仰就便依理責罰然罷這般省諭了可勸農司官更并本處官吏人等却不得因而取受看補面情非理行事本處官司及不以是何人等亦不得使私力搔擾社長勸農事務如違治罪仍仰肅政廉訪司照依已降

災傷

○**災傷** 至元九年六月 中書省據御史臺呈河北河南道按察司申該隨路至元六年七年透納災傷糧數送戶部議擬得今後各路遇有災傷隨即申部許准檢踏是實驗元申災地休復相同比及造冊完備擬合辨實填田禾頃畝分數將實該稅石權且注准聽候如此不致透納都省准呈

○**災傷** 至元十九年御史臺承奉 中書省劄付戶部

呈照得各處每年到委麥秋田水旱等災傷屬准各道按察司正官檢視明白至日驗分數依例除免近年以來按察司官不為隨即檢踏宜待因輪巡按檢勘已是過時又是番耕改種以致積累合兒差稅數多上司為無種傷明文止作大數一体追徵逼迫人民甚至生受按察司官所至之外職當問民疾苦豈可因循如此今後各道按察司如承各路官司申牒災傷去處正官隨即檢踏實填分數明白回牒各處官司繳運申部隨即除免庶使百姓少安呈乞照詳都省仰照驗施行

○**災傷** 至元二十八年十一月 御史臺承奉 中書

省劄付據隨路人民但被旱澇等災傷依期申報休履是實保申到

部呈省合該稅石未嘗不寬近年以來有司遇人戶申報不即檢踏
又按察司過則不差好人本覆中間轉有取徵人民避擾不肯申報
雖報不待檢復時備耕以致上下相就官根不得到官民間虛被
其擾都督除已飭付戶部遵行合屬今後但遇人民申告災傷者令
不干碍官司從實檢踏及就使行接兩政聯訪司隨即差官體覆虛
實須管依期申報呈省若有檢踏體覆不實違期不報過時不檢及
將不納稅地并不當被災捏合虛申者按問嚴加究治仰依上施行

○**災傷隨請蠲免**

至元二十八年至元新格內一款

諸水旱災傷皆隨時檢覆得實作急申部體分損八以上其稅全免
損七以下止免所損分數及六分者稅既全徵不須申檢雖及合
免分數而時可改種者但存堪信顯跡隨宜改種毋失其時

○**災傷隨請蠲免**

天德元年五月江浙行省照得近准中書省咨該各

處遇有水旱災傷田糧夏田四月秋田八月非時災傷一月為限限
外申告並不准理例合隨即委官檢踏行移縣訪司體覆獲到牒文
以憑除免准此已經遍下合屬依上施行去訖今來本省認得江南
天氣風土去腹裏俱各不同插田三月布種四五月間插秧九月十
月方才收成若依腹裏期限九月內人戶被災不准申告百姓無從
訴出致使逼迫流移連年皆有此弊非惟於民有損抑且於官無益

合无量裁限期秋田不過九月非時災傷依舊一月為限限外申告
並不准理庶望官民兩便咨請定奪在此送戶部照擬得江南風土
既与腹裏不同合依行省所擬且呈照詳都省准呈咨請照驗施行
○**賑濟文冊**天德八年江浙行省准 中書省咨河南江北道奉使宣
祚呈積造災傷文冊不使淮安路總管官所推官吳承務呈各處水旱
依例委官檢踏才候了串勾拆州縣人吏赴路積造備紙帳冊三本
呈報行省宣慰司總管府衙門所有合用紙札灯油泔泔回盤費一切
所需既无官破不无鳩斂於民始因百姓病苦及其賑濟亦復如是
甚為不便合无今後但遇災傷或賑濟貧民止令親管司縣撥造村
庄花名備細文冊各處所委檢踏等官於上書押將總數申覆各處
上司以望革去擾民之弊照得今歲賑濟甚大若依前撥造花名文
冊實為重費文繁如蒙改革官民兩便緣係通例具呈照詳得此送
戶部照擬得今後但遇災傷或賑濟貧民終是動搖除給錢糧置存
稽考文字擬合依注奉使宣撫所擬令親管司縣撥造村庄花名文
冊一本監臨官司收掌以憑照勘外其餘合于上司止類總數文解
申報庶免文弊都省准擬咨請依上施行

○**補授御史**

至天二年二月

尚書省據御史臺呈據監察御史

呈近奉

御史臺劄付該為涿州等處飛蝗生發仰責各處捕蝗

官吏併力捕除，絕等事檢照得至元七年二月欽奉

聖旨：定到勘農條局內一款，若有虫蝗遺子去處，州縣正官一員於十月內專一巡視本管地面。若在熟地併力耨耕，如在荒坡大野先行耕園籍記地面，禁約諸人不得燒燃荒草，以備來春虫蝗生發之時，不分明本處正官監視，藏草燒除，若是荒閑地面窄狹，无草可燒，去處亦仰從長規，劍吞首捕除，仍更為多方用心務要絕絕。若在煎鹽草地內虫蝗遺子者，申部定奪欽此。今檢閱古書畧陳治蝗方法，具呈照詳得此都省除外請遍行台屬照會施行。

古書云：

蝗不食豆苗，且慮遺種為患，勸民於飛蝗坐落去處廣種豌豆，非惟耨耕殺廣遺種，次年二月四月民獲大利。

古書云：

恩脂月季水煮馬骨放水冷浴諸種子，生苗虫蝗不食。

戶部卷之十

典章二十四

租稅

納稅

○續通志中統五年正月 中書省奏已前

成吉思皇帝時不以其何諸色人等但種田者依例出納地稅外據僧道也里可溫奏合失蠻種田出納地稅買賣出納商稅其餘差役獨免有來在後

合罕皇帝聖旨裏也教這般行來自

貴由皇帝至今僧道也里可溫合失蠻地稅商稅不曾出納合无依曰徵納事推奏今仰中書省照依

成吉思皇帝聖旨條例僧道也里可溫合失蠻儒人種田者出納地稅白地每畝三升水地每畝五升買賣出納商稅據該納丁稅蒙古回回

河西漢兒井人匠及不以其何投下諸色人等官豪勢要之家但種田者依上徵納地稅外蒙古漢兒軍站戶計成半送納仍免遠倉仰行不領 中書左右部兼諸路都轉運司隨路宣慰司一體施行

○四至元新格內一款請稅石嚴禁官吏執要人等不得結獲若近下戶計去倉地遠願出脚錢就令近民帶納者聽其聽部稅官斟酌各處地里定立先後還次約以點集處所觀得別无輕質攬納之數令分部官管押入倉依數以納得訖朱鈔即日發還惟總部官直須州縣納足方許還職

○五至元二十八年八月內准 中書省咨科稅條盡內一款隨路合收米粟至元二年十一月內致奉

聖旨節該今後各處正官部稅須要送納乾園飽谷白米新粟欽此又致奉聖旨節該但是倉裏支的米內帶糠支有已後休与糶米与潔淨好米者

欽此又於至元十六年欽奉

聖旨今後迤北去的糧都教篩揚得乾淨呵運將去收呵也要乾淨的着欽此於至元二十八年三月二十五日

奏過事內一件合起運的糧倉裏糠土相和若有麼道說有如今捨撮了起運呵怎生若捨揚呵折了也者奏知者麼道說將來有麼道奏呵這的來甚麼說量這這一个完澤王杖呵不中那甚麼那般者捨揚了呵起將來者麼道

聖旨了也欽此都省議得隨處糧斛皆係人戶元納乾園潔淨好糧積運其間各處倉官斗脚缸口押綱人等多有作弊侵盜食用因而拈和

糠粃或月水舂抵數數官以致不耐又積發交損壞兼海道運糧方

戶府用漕運官其有失關防鈔票所致咨請行下合屬欽伏累降

聖旨軍意據各處倉分收受糧斛須要乾圓潔淨之物如遇起運即令各

倉用印封裝內一裹本倉收貯一裹呈解本省咨發前來一裹分付

運糧戶戶府押糧官負赴直沽等處收糧倉分存留一顆備照開拆

對據父收若有濕潤或帶糠土不中糧數定是根株究治施行

○納糧人戶許令自行寫鈔禁治諸人並不得結攬寫鈔取受分

文錢物如違治罪

○如遇人戶赴倉送納糧米須用官降斛斗兩平收交一色無糠

批乾圓潔淨好米新谷但有糠批不堪受待定勸倉官人等

賠償除正耗外毋得多餘苔帶斛面仍出榜禁治諸人不得

結攬輕賈如搬送納到倉當日即使出給朱鈔毋得取受分

文加耗鈔物及不得刁蹬留難納戶如有違犯之人捉拿到

官追陪所攬糧斛依條斷罪

○各處應于收貯糧斛倉數什物預為修理須要堅牢如法鋪攤

不致上漏下濕損壞官糧委各路達密花赤長官一倉專一

提調軍勸倉官人等批倒曝涼毋致損壞如違議罪均陪

○欽定大清會典事例 聖祖 康熙 三十二年四月 行御史臺近批江南浙江

道曠訪同中各路違限稅糧初限各四十并犯杖八十是否此決路
官唯復止決縣官或路縣官合無一体又不知十二月末限滿足者
是否二限如何加罪為此移准 御史臺呈奉

中書省劄付送戶部照擬回呈照得科稅

條畫內一款欽奉

聖旨節該稅糧初限十月終中限十一月終末限十二月終違限者初限
答四十并犯杖八十但結攬稅石及自願令結攬與官司許諸人首
告得實并斷按咨委罪矣今結攬官司依元科稅石罰倍赴所指倉
分送納若本處不差正官權官部稅將來若有失陷或稅石不足各
處違限亦管民官部糧官不分首從一同斷罪欽此照得上年稅
石違限不行納足去處定將各路府州司縣正官首領官人吏依
條斷罪宣慰司首領官人吏違慢亦行斷罪任滿官但有拖欠稅石無
得給由如有看循故行給由者定勒陪納拖欠稅石更行斷罪奉此
部省合下仰依上施行

○題大德元年三月行省准中書省咨該元貞二年九月十八日
奏過事內一件節該江南百姓每的差稅亡宋時秋夏稅兩遍納有夏
稅木綿布絹絲綿等各處城子裏出產的物折做差發斟酌教送納
有來秋稅止納糧如今江浙省所管江東浙西這兩處城子裏依着

○一州例納有除那的外別个城子裏依例納稅不曾納夏稅江南的多一半城子裏百姓每比亡宋時分納的如今納秋稅重有謂如今收糧的斛比亡宋文思院收糧的斛祇一个半大有若再科夏稅呵莫不百姓根底重復麼兩廣這幾年披草賊作耗百姓失散了有那百姓每根底要呵不宜也者浙東福建湖廣百姓每夏稅依亡宋體例交納呵怎生奏阿奉

聖旨那般者欽此都省咨請委官追尋亡宋舊有科徵夏稅板籍誌書一切文憑除文思院斛抵數准納省斛及已科夏稅外但有未科去處自元貞三年為始照依舊例比數定奪科徵務要均平仍將本省合科夏稅去處各各則例同已未科徵條細數目通行造冊開咨准此

○一省制以糧石為額大德元年六月三十日江西行省准

中書省咨照得元貞二年七月初二日

奏奉

聖旨節該江浙湖廣江西三省所轄的百姓每合納的糧驗着軍人每的合請的口糧更別項支持的斟酌交納除外交百姓納輕賚鈔者欽此咨請照驗欽依施行

○一國朝通鑑綱目大德元年九月 御史臺體知得平江葑路官吏於不久秋又戶處逼勒鴉借閉納米糧侵損百姓深為未便擬合遍行

合屬今後民間差稅須合該人戶依期送納果有逃亡事故依例申覆上司除豁呈奉 中書省劄付該道行禁治今後毋得於無欠糧百姓處逼勒揭開

○**國祿田**

大德二年八月行臺准

御史其奏建德路僧吳

指南常住田上擬合於官租項下開除切詳地上公事不係桑田旱

澇事理合從有司休覆若有不實依准 都省元行令廉訪司休覆

相應為此呈奉中書省劄付都省議得今後隨處開除田糧戶口差

稅事理合與桑田旱澇一休公廉訪司休覆是實以憑定奪

○**延祐**

延祐七年月

日江西行省准

中書省咨延祐七

年四月二十一日也先帖木兒怯薛第二日馬家完納鉢裏火兒赤房

子內有時分速古兒赤定住五日亦買駝快烈馬赤站班必閣赤也

里牙給事中他威劫歹等有來帖木兒大師右丞相哈散丞相拜住

平章趙平章太八刺右丞張左丞怯烈即中等

奏即日為養濟多百姓拯救軍人氣力名糧不敷的上頭別有其規

聖旨根原奏過俺与樞密院御史基翰林集賢院眾人商量了幾件勾當

奏有一件腹裏快兒百姓當差著軍站畏養馬駝和住和兒一切雜

差役更納包銀綠線稅糧差役好生重有亡家收附了四十余年也

有田的納地稅做買賣納商稅除這的外別無差役比漢兒百姓

有更田多富戶每年有收三三二十萬石租子的占着三三三戶佃戶不納係官差發他每個戶身上要的租子重納的官糧輕這裏取些小河中也者待驗田畝上添料河田地有高低納糧底則例有三三二十等不均勻一般除福建兩廣外其餘兩浙江東西湖南湖北兩淮荆湖這幾處驗着納糧民田見料糧數一斗上添苔二升這般商量來

奏呵奉

聖旨依着恁衆人商量來的行者又奏這勾當行的其間行省省官提調

着休教動搖

御史基監監察御史肅政廉訪司添力成就者若路府州

縣

官吏人等作弊與官吏員役等

當教監察廉訪司官休察呵怎生奏呵奉

聖旨那般者欵此都省除已劄付御史基欵依施行外咨請欵依施行仍委本省首領官提調科徵依期送納果有不通舟楫去處照依本處開倉時估折收價鈔將元科添苔糧數開咨先具委定提調官職名同管不違誤依准咨來毋得因而動搖違錯

投下統

○奏過事內一件奏去年江南的戶計

哥子兄弟八主駙馬每根底各各分撥與來的城下裏除糧課程外其餘差發不着折既發投下分撥與了民戶多少阿合探馬兒不與阿

聖旨有來如公俺商量來如今不着差發其間却科取阿合探馬兒不宜每一萬戶一年這裏咱每與一百定錢督頭裏却江南於係官合納的撥內斟酌要鈔呵怎生奏呵表

聖旨那般者既與了民戶呵却不與阿合探馬兒呵濟其事雖那般呵他每根底分明說將去者這裏必關亦每根則說與也交理會者為江南民戶未定上不揀甚麼差發未曾科取如今係官錢內一萬戶阿合探馬兒且與一百定鈔者已後定條呵那時分恁要者各投下錢將去欵此 都省除已依驗各城下撥定戶計合該鈔數行下方備庫先行放支外咨請行下合屬依上於元撥定各投下入戶令城台納係官統糧內驗所撥戶數合該定鈔照依彼中米價扣算在折撥軍鈔里解本省發來除上撥數依理撥依施行

軍兵稅

○皇朝通志中統五年八月

聖旨內一欵節設隨處州府驛路設官廄馬及馬步弓手於本路不以是何投下當差戶計及軍站人匠打捕鷹狗斡脫並治諸色人戶計內每一百戶內取中戶一色充役去免本戶合着差發其當差戶推到合該差發數目却於九十九戶內均攤若有失盜勒令當該弓手立定三限然捉發此

○大德七年八月二十五日江西行省准中書省咨御史臺呈准行臺咨監察御史呈切謂弓手稅糧例應人戶包納為緣文案不明司縣官吏望正主首人等高下其手各路止是一槩帶徵其中奸弊甚多人戶不知各路頭免糧數設令多包無憑折証民甚苦之愚見合令各路通照出本路額設弓手姓名每戶應免糧若干一路通免糧若干本路所管各縣戶計合徵糧若干總包若干卷內開出花戶姓名糧數多少通行均包每止糧若干合包若干驗實均包其戶合包若干明立案驗實該首領官吏子細照勘均平无差行下各縣出給催糧由帖付納糧人戶依數承輸每年朔榜市曹咸使通知廉訪司照制文案時分等一二戶將由帖比對也有差違將各路首領官

吏部等處業以爲便使各王元照詳得此咨請照詳准此本基具呈照
詳施行得此都省准其咨請依上施行

○至元二十二年十二月江西行省來申鋪兵走逆文
字擬合科稅糧乞明降省府議得江南歸附百姓遇有地之家周歲
驗地徵收稅糧外无地浮居小戶别无合着差役若將前項已差鋪
兵止免雜泛全徵稅石似爲重併生受今擬三石之下丁多戶内差
撥全免各戶差役與各戶合該稅糧依弓手例却令數戶均納則要
不失元額每鋪照依元行止設六名鋪兵五名鋪司一名常川在鋪
走逆若見設鋪兵内已有相應戶計止今依舊當撥毋得一槩動括
餘无田產淨居小戶依例差補替換施行

○至元二十二年十一月江淮行省爲府州府縣
合設祇候公使人等後准 都省咨文定到條例本少議得擬於市
米一石五斗之下一石之上戶内差設所據各戶合該稅石依例合
柴管合納市米數戶均納須要不失元額仰依上施行

○至元二十二年十二月湖廣行省該湖南道宣慰司
呈道州臨州路軍人童祥等歸附後置買民田不當差發以致竄推
民戶擬合与民一体當差納稅乞明降事移准 中書省咨照得先
准江浙行省咨新附軍人田土合与漢軍一体除免限地四頃稅石

爲是勸附軍人全家老小支請口糧卽去漢軍不同別難限地已經
回咨江浙行省照驗夫詭咨請照驗施行

○
天德七年正月日江浙行省准樞密院咨准

御史臺咨准江南行臺咨法有万世不改者亦有隨時當改者不可
一槩論也切謂漢軍舊例每戶額定贍軍地四頃余上畝數皆令納
糧雖曾累行文字然於其事實非同又况今日事勢与旧不同向
時人戶各家老小人數不多容易養贍又无似今日雜泛大役軍人
止是守把南邊賊迤南諸軍分屯沂宿亳鄆等州閩迤西諸軍分屯
興元成都等處各离本家地程不遠亦皆容易贍當即今人戶口累
漸多所當軍役屯守夫馭南至南海北至和林別有征行則南者益
南北者益北動又至於數千里外夫家有踰万余里者家中又与民
戶同當一切雜泛夫役其四頃田地只養自家老小猶不能贍豈能
應當如此重役待衛軍差役尤爲浩大其科差且置勿論只計撥
牲和林軍人計其起發所費每戶該鈔至有八十定者尋常莊農之
家別無生計若不典賣田土何處出辦牲日軍戶地有曾至三十二
頃今皆消乏破散不可勝數中等人家庄田廢盡見今乞何爲生
者處必有之若更拘勘未曾消乏見堪當役軍戶地畝但存四頃之
外者必更盡數納糧此事果行不過數年軍戶物業盡皆破散人無

產籍不復可用事至於此其將奈何近日民間多有許告軍戶隱藏地畝者地主惟是隨其所欲承奉買去又所在官吏不時下鄉言要打量軍戶地畝以此爲必脅斂錢物所取各皆驟足方纔釋免但此地過四頃之家長懷憂懼心皆不安致此之由有自來矣至於緊急用兵之際有此事端深爲可慮去年樞密院奏奉

聖旨約東管民官司不得打量軍戶地畝文字在官百姓不知狡獪之徒恐脅軍戶爲旧无異若令每社置一粉壁其上只寫不得言告軍戶地畝數字如此則當軍之家皆得免其逼脅侵擾之患四項之外納稅一節特其边境爭軍用兵稍緩然後別議以爲長便咨請回示本

其議得行奉所言庶免軍人被擾之虞咨請照驗事准此照得大德四年十二月初二日本院官奏過軍內一件歸德府趙知府文字裏說將來睢陽縣官吏每信着歹人每的言語打量軍戶地土行呵路踐了田禾軍戶每根底使氣力眼發癢有麼道說將來有

上位有

聖旨軍的民的田地通行取數目的時分打量呵是也首民的地土不得打量高戶每的地土打量有奏呵奉

聖旨是尚不得

咱每的

聖旨軍戶每的地土休打量著欽此

鹽金厚乃七

七

僧道稅

○僧道稅
聖元三十年五月欽奉

聖日中書省官人每奏江浙官人每文字裏說將來有赤子田地裏每年
單站的氣力不揀甚麼用的辦濟呵多率是百姓每的納稅糧裏成
就有如今那百姓每係官裏發根底深將着在剗合納錢糧的田土
根底和高先生每底寺院裏布施了賣典了更判了頭髮
做和尚也麼道則它房子裏與媳婦孩兒每一處任的也有這般使
着見識在前合納的錢糧每年漸三的數目裏開除了不納的多了
也更係官田土根底占種有粗米不納的也有亡宋時分和尚先生
每的寺院裏常住田土他每根底勾有廢道奏來這言語是實那是
虛是實呵各處行省官人每提調省他的數目取勘者无媳婦的和
尚先生每的舊寺院裏常住田土有呵依省
大聖百體例裏休納者有娘婦的和尚先生每在呵自今後和尚先生
也里可温吞失歪不揀誰在剗合納錢糧的田土買了來典了來做
布施得了的來麼道不納錢糧的更租佃係官田土不納粗米的人
每依在剗納的體例裏納者事後出首了不納的要罪過者

○元元元年閏四月 日欽奉

聖旨 中書省樞密院御史臺督政院行中書省行御史臺同農司宣慰司五長官應管公事大小官吏諸色人等擬中書省宣政院奏和尚也里可溫先生吞失蛋等地糧商稅所辦轉物若不再行明諭恐在下官府合徵納者妄作免除不應徵納者却行追取致使僧道人等生受乞降

聖旨 事准奏所有條登開列于後

○西番洪兒畏兀兒雲南田地裏和尚也里可溫先生吞失蛋等自元貞元年正月已前應有已未納稅地土不行除免稅石今後續置或影占地土依例隨地徵稅

○江南和尚也里可溫先生吞失蛋田土除亡宋時舊有常住并節次續奉

先自皇帝聖旨撥賜常住地土不納租稅外歸附之後諸人捨施或典賣一切影占地畝依舊例徵納稅糧隱匿者嚴行治罪

○和尚也里可溫先生吞失蛋買賣不須納稅却不得將合納稅之人等物貨妄作已物夾帶影護違者取問是實犯人斷罪物貨沒官其店肆塌房客旅停塌物貨依例銷報納稅

○上都大都揚州在先欽奉

聖旨撥賜與大乾元寺大興教寺大護國仁王寺酒店湖泊出辦錢物令

有司通行管辦出官送納寺家合得錢物官爲支付无得似

前另設人真侵據官課

○元貞二年二月十八日欽奉

聖旨日節設張天師教集賢院官奏江南田地裏有的俺每宮觀裏住的先生每亡宋以後置買來的田地裏合納的倉粮在先納呵只他每住的城子裏的倉裏納有草如今各自城子裏不交納別个遠城子裏倉裏交納有那般交納呵先生每眼生受有磨道奏來如今以後先生每的合納的倉粮依着在先体例裏只他每住的城子裏倉裏交納者道來這般宣諭了呵先生每住的城子裏倉裏不交納遠城子裏有的倉裏交納的人每不怕那甚麼這先生每知道這般宣諭了也有体例合納的粮不依实的呵他每不怕那甚麼以此

○天德七年正月十七日欽奉

聖旨在先諸路裏有的衆和尚每之上都交管領者奏道

薛禪皇帝巴吉思八師父根底焉了

帝師名分

聖旨王印委付了來如今

巴吉思八師父替頭裏管着衆和尚者奏道

卷真監藏根底与了

帝師名分

聖旨玉印也您衆和尚每休別了

韓真監藏帝師的言語經文并教門的刁當裏謹慎行若這般宣論了

不謹慎行的和尚并呪師般不思您每不怕那不着那甚麼与那上

頭交您差發稅糧休着者發道交行了

聖旨來欽此

戶部卷之十一

典章二十五

差發

○臣中統元年五月 中書省

奏准宣撫司條款內一件 溯本路年例合該納官存留包銀并系料糧
稅等差發近年以來各巡官吏往來上下計購通行賄賂循習舊弊
乖行除改官物私已用變以致民間俱各戕足官司不得實用為害
非輕公議差發等事仰照勘元抄到民戶數目從實科放不可止措
上年虛例執照勘出來屈民戶數目差發總額比附上年增餘數目
從實定額

○臣中統元年五月 中書省

奏准宣撫司條款內一件 今年照勘定合料差發總額府科与州驗民
戶多寡土產難易以十分為率作大門攤均科訖仍出榜文開坐各
州合着差發數目該絲絹若干分明曉示務要通知州科与縣科
与村各出榜文開坐差發數目以此為例至于縣榜須要見村庄各
戶姓名合該一年差發數目仍於本縣市曹村庄曉集各戶曉示
以見至公無私毋得已分付漏籍老幼等戶照依今降

諸條款協濟本處見當之發戶計數補均科与當差發民戶依上
只備一榜通行曉示施行

○中統二年四月二十日中書省

差准系登內一款該中統元年科訖差發多有不盡戶計所擬今歲科
差須管仔細照勘各要及實科徵不致隱漏兼各路投下戶計差發
欽奉見降

聖旨亦備各路總管府驗數科徵仰各路管民官照勘本管地面內住坐
人丁及不以是向人等應合收保當差者須管從實盡數科徵見了
數目銷差關部轉行申省

聞奏若其中間却有漏落不盡實去處事發到臣定將當該官吏嚴行
斷罪外宜撫司有失体究者亦行治罪

○至元二年正月欽奉

聖旨五被管府新軍修登內一款而該隨州城所有諸王并諸投下人
戶除匠人打捕戶鷹房子金銀錢治戶另行外有分撥民戶五戶保
投下交本戶每年台納錢銀包銀并五戶保仰与本路民戶一体發
查實科徵於本處送解本投下合得五戶保數等物照依中書省
定例月日省一則差者若欲於順便處取要河亦就順便於應州者

○至元十九年五月 御步宜送奉中書省

付漕戶部呈候奉省部公集各路正官首領官人吏驗至元十八年
元官交參滿漕科差戶額收除到至元十九年實科戶數照得欽奉
聖旨將原籍文諸應當差發多保貧民貧官最富強住住僥倖苟避已前
合年皇帝聖旨諸差必驗民戶貧富科取今依驗人戶事業多寡品格高
下類攷用呈文無利故益此除已開坐事理到付戶部通行各路欽依
聖旨事意檢元官交參協濟等戶人戶看差發通濟驗人戶氣力產業品格
高下貧富科攤務發均平出給花名內帖並不得多餘吞帶各於村
在道立份並開馬各戶所有差發數目及於臨民府州司縣各衙門
首將條管村坊額定花名差發數目分頭榜示如中間官吏坊里正
人等因而作弊輕重不均者有人陳告或因事發露到官究問得實
屬行懲辦將本路州縣村坊鼠尾花名合着數目依上年條例措造
備細文冊申部及將所納差發仰本路照依上年於酌中牢固處置
庫收受合設庫官大者二員小者一員橫典庫子大處三名小處一
名自開庫日為始給俸除都省差發監納大使各一員外其餘人真
仰各路依上於近上有抵業不作過犯戶計內保差官司不得設立
寫抄人等或從納戶或諸人抄寫其所納差發並要兩平依理收受
印押給付官民戶朱鈔各一紙亦不得吞帶加耗取要分例刀
釵海浦仰更為行下各道按察司條案施行

元貞元年六月

西行省州左右司呈軍民未

便事內一件隨處官司凡遇定差戶手水站站候與刺等項科役中

間多有偏負不均蓋為元籍文冊田畝丁產係是二十六年抄數到

已昇六年久戶只進消乏不等若止照依元籍定差在頭是不均今後

凡有定差科役莫若檢照元籍詢問各鄉都戰事老弱人等推排各

戶即今見有田產從公定差似望各得均平省府准呈仰依上施行

見此亦門外戶籍

影避

○○中統四年七月無京路數管府

奏准條畫內一款本路多有起移交恭趨明差發人戶乞禁約今後經由官司方許起移事准奏今後若有起移戶計如無上司堪用信憑許起移交面不得發遣如須有合起戶計仰各處差來官骨把文字經由所在官司批撥發遣仍行移本路官司推收合着差發如不經由所在官司私下縱令起移者該各戶合着差發勒令本處去首鄰佑人等陪納仍約官斷罪施行

○○元貞元年十一月欽奉

聖旨節該抄中書省奏江浙行省陳說有力富強之家住戶投充

諸王位下及進糧水并香沙糯米財賦驚人情道欠佃船商等諸項戶計影占不當難免差役止令貧雜下戶承充里正主首分糧不辦偏負等受文外施行首俱有以此戶計乞一体頒降

聖旨事准奏仰照勘不以是何投下諸名色影蔽有田納稅富家戶計從本省分疎與其除富戶一例輪當里正主首催辦分糧應當辦差役於內若有疑惑不能予案者具由中書省定奪却不得因而動

中書省咨大德三年六月初九日完澤丞相尋

奏過前福建等處行省平章政事閻里吉思陳言一件那裏官人每富戶有勢的人每將舊姓每田也占自交百姓每做佃戶不交當雜錢差役有台禁俗麼道說有俺商量來交百姓每做佃戶種養也者根脚裏的不據甚麼差發有呵依体例當者休遊護者庶免道在前に禁約自有或如今做佃戶交種養也者依衆百姓每体例裏不據甚麼差發交當者有勢力的人每体例護者麼道行文字更教廉訪司官人每也自糾察者麼道奏呵奉

聖旨那能若致此

大德六年四月 日中書省咨大德六年正月二十日

奏對事內一件節節該江南屬豪勢豪官負人等執把添氣力的

聖旨自行有超將差發有那般的

聖旨拘收呵尔生關里報臺管題奏呵這言語眾人為俺商量定

奏者麼道

聖旨自有來俺眾人商量來權要發要官員人等搔擾百姓无疑惑的便教

拘收了

聖旨者於內有陰陽大醫秀才等并遊裏行着年老放还与

聖旨來的也有也者總一槩拘收呵小似這般一等各人的姓名緣故

明白文書裏說將來者爲拘收的不合拘收的那其間分間了
奏河怎生商量來奏河奉

聖旨那商里的是也那般者欽此

○凡補米僧道類

○凡補米僧道類

○凡補米僧道類至太二年二月江西廉訪同奉 行奉前付

○凡補米僧道類

國家設官分職以任事度祿均俸以代耕正欲絕其貪婪養其廉耻澄

其源而清其流更有養而民有賴立制之良无以易此先欽奉

聖旨節該和具和雇雜泛差役如今依着在先

聖旨條例除上郡大都燕間自備首思站亦并邊遠出征軍人外諸王公

主驛馬不以是何投下諸色人戶与大數目富差的軍站民戶一体

均當者欽此里職思惟諸我官三品民田湖穴有至五七十戶下至

九品亦不下三五十戶出於執照不令應當雜泛差役却令供給一

家所用之費謂如清借人畜寄養猪羊馬草柴薪不勝煩擾爲緣影

占終莫能言及有無田虛包子粒之家亦有規避門戶投充庄官佃

戶大抵法久成弊應須改更變而通之古今所尚呈乞照詳廣基仰

禁約施行

減差

四行中統五年五月 中書省

長進官廳司條款

被災災處以十分爲率最重災區雖多量減不過四分其餘被災
去處依受驗相復災所減二分一分等科降差發視此爲差

被災去處差發如元本色許令折納諸物

不被災去處對酌民戶難易委實偏重去處十分爲率雖多不
過裁耗一分

一概已上被災去處不被災去處等第減耗差發分數各三明卽
計坐數目籍定鼠尾文簿以爲定額務要差發濟民戶安不
可偏弊

○至元二十九年二月准御史臺咨奉 中書省劄

付宋呈備山東東西道提刑按察司申照刷出臨濟縣文卷一宗依
准管匠官王德開每年閏到五戶絲料儀散當差人戶織造七托裏
錦赴本局送納不見上同許令織造明文侵擾不便事得此都省照
得中統五年八月內

條卷丙一第

治字身壽聖兩

完帝聖旨然各按二分撥利民力除五戶絲外不棟甚麻不交科要欽此
戶部議得校下開支五戶絲並從本投下用變別無許令俵散民力
織造絹疋体例擬合照依

條登內率理施行都省准呈除已創行戶部依上施行

大德十一年行其准 御史臺咨准詹事院次近樞管
領諸路打捕鷹納綿等戶都總管府呈本管打捕人匠等戶累奉

世祖皇帝

裕宗皇帝聖旨節該隨路有的民力匠人打捕戶鷹房子除

不立下差發外不棟甚麻亦奪妻者体使氣力數負者欽此大德二年

又有本府達魯花赤不老嘉議奏奉

聖旨將和准和買雜泛夫役除免近年以來有各州官司樁科一切錢以

通臨多有遷移人戶若准所申

啓稟除害

本位下止額差稅外將州縣雜稅大役照依在先体例除免似望不遇

人戶逃竄具呈照詳得此大德十一年九月二十八日本院官

啓過事內一件

皇太后撥与咱搭的納絡總管府差着的百餘條

本位下合納的羨稅外隱外管民官科要和崔和買雜泛夫役好生

後頭失散了去也如小傷

皇太后位下徽政院管得貴諸色人匠等戶除

本位下合納的羨稅外小揀甚麼差務和雇和買雜泛夫役休科要操

總者來件的便臣每日安下者諸人休等要者但有的勾當首裏基

裏諸衙門都休問者交徽政院

本位下官人每問者旨論執把的

聖旨旨也

陳阿奉

今旨依著徽政院條例旨翰林文字索要旨論執把的

聖旨者旨論執把的

今旨者旨此

戶部卷之十二

典章二十六

賦役

戶役

○聖節該今後除邊遠出征軍人并大都上都其間站戶依着在先已了 大德七年十一月初二日江西行省該大德七年

三月二十六日准 中書省咨欽奉

諸王駙馬不揀是誰的戶計和催扣買雜泛差役有呵都交一體均當

者欽此除欽依施行去後准江西福建道奉使宣撫咨吉州府陵縣

大和州等處推唱里正主自不均為此於大德七年十月二十五日

咨江西福建道奉使宣撫一同欽得江西路府州縣差設里正主自

官更人乘那上攬下賣弄以為苛貨大為民害擬合通行各路令親

民州縣提調正官自領官吏將本處管見科稅滾簿籍從實按照

每鄉都諸色戶若干內稅高富實戶若干稅少而有高賴人戶若干

並以一石之上為則一體當役若有稅存產去而不當換者及一石

之下人戶俱不在當役之限每一鄉擬設里正十名每都主首以上
等都分擬設四名中等都分擬設三名下等都分擬設二名依驗糧
數令大戶自行公同推唱供認如是本都糧戶極多願作兩三年者
亦听自便上下輪流周而復始仍每里於一鄉內自上戶輪當一鄉
里正各都主首如自願出外雇役者听從自便如該當之人願自覓
身應役者亦听仍從百姓自行推唱定願認役人戶糧數當役月日
連名畫字入狀赴本管州縣官司更為查照无差保勘是實置立印
押簿籍一本付本都收掌一本於本州縣收掌文一本申解本路總
管府類申行省牒呈本道廉訪司照驗嚴加体察求為實例再不動
搖更換官司不許非理干預擾擾若是僅外不備公事違悞役人不
應作過獲民除犯人依例追辦外罪及雇主仍嚴禁當役人戶並不
得撥及一石以下貧民小戶勒令津貼所雇之人亦不許退關回吏
鄉司移帳外都織皮无籍之人攬撲承充其提調官吏不得差人下
鄉注事勾擾科取分物如是不遵元行害及不該當役人戶或將該
當戶計通同捏合分立詭名俵散稅糧肆避差役又或將人戶白認
月日查填歇空官事臨逼却着以次人戶承當似此看循違悞惡詞
到官定將州縣當該正官首領官取招驗事輕重的決標法過名以
憑與降紳士向吏賄書人等並行斷絕所是營求勾避之人嚴行追

斷知此則富戶不能隱匿燒燬苟免小戶不致動搖稍得休息當役
舉皆得人官更成文武齊民誠為逸父便民茶首府四下合屬依上施行
○國聖慶元年四月奏州路奉 江西行省劄付近為各路點差里正
主首不均照得即次欽奉

聖旨事據劄付合屬令親民州縣官從新打量所管鄉都地面遠近戶計
多寡可設里正住首名數除遠征軍人大都上都其間站戶外其余
不以是何戶計量官從公推排糧多種等上戶般富者充里正次等
力充主首驍力疾次周向後始親可當校截自至大三年為始應充
周歲滿替毋得似前放富差貧那移作弊糧咨 都省照詳去後今
准 中書省咨該送該禮部呈參詳上項事理合依江西行省所擬
相應具呈照詳都省咨請依上施行

○國聖旨事據劄付合屬令親民州縣官從新打量所管鄉都地面遠近戶計
多寡可設里正住首名數除遠征軍人大都上都其間站戶外其余
不以是何戶計量官從公推排糧多種等上戶般富者充里正次等
力充主首驍力疾次周向後始親可當校截自至大三年為始應充
周歲滿替毋得似前放富差貧那移作弊糧咨 都省照詳去後今
准 中書省咨該送該禮部呈參詳上項事理合依江西行省所擬
相應具呈照詳都省咨請依上施行

○國聖旨事據劄付合屬令親民州縣官從新打量所管鄉都地面遠近戶計
多寡可設里正住首名數除遠征軍人大都上都其間站戶外其余
不以是何戶計量官從公推排糧多種等上戶般富者充里正次等
力充主首驍力疾次周向後始親可當校截自至大三年為始應充
周歲滿替毋得似前放富差貧那移作弊糧咨 都省照詳去後今
准 中書省咨該送該禮部呈參詳上項事理合依江西行省所擬
相應具呈照詳都省咨請依上施行

○國聖旨事據劄付合屬令親民州縣官從新打量所管鄉都地面遠近戶計
多寡可設里正住首名數除遠征軍人大都上都其間站戶外其余
不以是何戶計量官從公推排糧多種等上戶般富者充里正次等
力充主首驍力疾次周向後始親可當校截自至大三年為始應充
周歲滿替毋得似前放富差貧那移作弊糧咨 都省照詳去後今
准 中書省咨該送該禮部呈參詳上項事理合依江西行省所擬
相應具呈照詳都省咨請依上施行

○國聖旨事據劄付合屬令親民州縣官從新打量所管鄉都地面遠近戶計
多寡可設里正住首名數除遠征軍人大都上都其間站戶外其余
不以是何戶計量官從公推排糧多種等上戶般富者充里正次等
力充主首驍力疾次周向後始親可當校截自至大三年為始應充
周歲滿替毋得似前放富差貧那移作弊糧咨 都省照詳去後今
准 中書省咨該送該禮部呈參詳上項事理合依江西行省所擬
相應具呈照詳都省咨請依上施行

○國聖旨事據劄付合屬令親民州縣官從新打量所管鄉都地面遠近戶計
多寡可設里正住首名數除遠征軍人大都上都其間站戶外其余
不以是何戶計量官從公推排糧多種等上戶般富者充里正次等
力充主首驍力疾次周向後始親可當校截自至大三年為始應充
周歲滿替毋得似前放富差貧那移作弊糧咨 都省照詳去後今
准 中書省咨該送該禮部呈參詳上項事理合依江西行省所擬
相應具呈照詳都省咨請依上施行

科役

和買

○和買 脫脫等言倭盜事內一件禹別九州隨山濬川任土作真古人立法取賦必因其土地所生風氣所宜以為之也今日和買不隨其所有而強取其所无和買諸物不分皂白一例施行分文價鈔並不支給生民受苦典家齋齋齋子存妻多方尋買以供官司而出產之則為見上司和買甚物他地所无此他所有於是高擡價鈔民戶唯知應當官司和買不敢与較性命是明如此受苦不可勝言欲望明降旨揮令後應有和買概於出產去處明立榜文隨時收取不得於州郡无他生事害人天下幸甚送禮部認得所言可採移咨行省行下合屬勿令於无處和買其若遇和買當面給價仍通行合屬依上施行

○和買 九年例支持物件用時有緩急格時有難易其當該官吏九台置條之數各項以時點校預為奉呈毋得急聞公私不便

○和買 和買物項驗出產停業去處分俵均買其官吏不得先以賤直拘

○和買 和買物入戶後逐項分轉買送納違若漏行斷罪計其承價休違還

後各處合版諸物時估司嚴正官親行估估實價開申府路請發文
實正官自領官通行比較開具具體覆照勘官負姓名依期中部勿蹈
前弊徒有承懸凡遇和買諸物即令拘該官司估估完備正官比照
時估无差方許支價始後照勘或因事發露却有冒濫者着落估估
照勘官東官府以筆黜都省准呈請照驗施行

○
至大三年二月行臺准

御史基崇台奉

尚書省前付戶部已應勘費用諸物支持年例預為指置會計至至
大二年周歲已支并約支各各物色比附得數支不敷支持擬擬到
至大三年會計置定市木縮等物開具照詳得此照得在刑計置諸
物因破官外收買應准路府州縣保結到實直價分一一效支給主
其所存官司不詳上司恤民之意一槩橋配諸色人民以高作低以
擬作歹刁證抑勒鈔兩州縣官司風聞和買諸物暗令所占佃戶或
廢疋或縮布督逼各戶織造將百姓所納之物百般疏駁須要恃已
物添價就買送納并其和買諸物亦皆恃賴官勢賤買實費損民
取利及特價分中間剋除奸鈔移易昏鈔不得實徵到民至如和買
和程進運脚價打用物色折收諸物亦皆作弊所有今歲和買計置
物色科派到行省腰裏下項路分各該數目擬合各路府州縣見在
為長正官色目漢皂各一負親對物主令牙行人相相堪中之物照

依街市實直兩平收買如本管府州司縣別无屯場可買將物估體
身直於上中戶計開張門面之家收買項要隨即支價所用價亦於
本處不以是河孫官外內放支須要收買城中之物打角完備差官
管解等事今將各處計置和買物色開坐前去都省仰體察施行承
此教內江西省木綿八万疋雙線單線四万疋照依年例科派先俟
本省至大三等額定已定稅糧認依例折收外有不敷數目摘委本
省官自領官拘該路分廉幹正官首領官不妨本職提調就於本省
管下不以是利係官外內驗出產之処對物估體支價收買夾密寬
闊壘中支持木綿數足兩頭條印關防打角分作運次差官管押限
至十二月終赴都納足先具委定正官首領官取名同管不違
限執結文狀并稅糧內折收和買木綿數足先打咨來毋致擾民除
已發咨本省依上施行

和衆

○收宋租錢之數

中書省至元二十二年二月十九日

奏過事內一欵節該自今歲秋成爲始乘其時直價分將有糧最多之家官用分本兩平收衆謂如收租一萬石之上者三分中官衆一分三萬石之上者官衆一半五萬石之上者三分中官衆二分官倉收貯次年比及新陳相接之糧價貴官爲開倉減價衆賣穀此

物價

○月申諸物價
中統五年八月欽奉

詔書內一欵兩澤分數諸物價以鈔為則每月一次申部

○**和買**至元二十年湖廣等處行中書省為起運諸物脚方

價分比腹裏路分爭懸未有定例移准

中書省咨照得至元九年十月初六日欽奉

詔書條畫內一欵節該和買和賣和采並依市價不以是柯戶計照依

行例應管官司隨即支價毋得延遲方體大小官吏權豪勢要之家

不許因緣結黨以營私利違者治罪欽此咨請欽依施行

○**市貨物**皆令行人每月一平其直其比前申有甚增

減者各須稱說增減緣由自司縣申府州由本路申戶部並要休

是失保結申報九年例必於本次和買之物如遇物多價少可以越

賤收買者即具其直另狀飛申

脚價

○水路各處脚價

平章政事制國用使司照得隨路罷訖步站止見

官爲和程脚力除旱路已有定体外揆水路自來不一除合破數自
外再令都水監提峯漕運司驗河水通快淺遊去處照依目今運粮
体例從實定到每物一百斤自起程至下卸處所合該地里所該脚
價仰今後凡有起運官物須管照依坐夫分例和程船隻搬運前來
仍仰隨路於月申內驗次日類報再不得似前亂破官錢違錯
方里馬頭運至○揚村下卸水路一千四百四十五里每物一百斤

該脚價鈔一錢一分六厘○河西務下卸水路一千六百一十五

里每物一百斤該脚價鈔一錢五分一厘○李王寺下卸水路一

千七百四十五里每物一百斤該脚價一錢七分七厘○通州下

卸水路一千七百七十里每物一百斤該脚價鈔一錢八分三厘

舊縣馬頭運至○揚村下卸水路一千三百四十五里每物一百斤

該脚價鈔一錢○河西務下卸水路一千五百一十五里每物一

百斤該脚價鈔一錢四分○李王寺下卸水路一千六百七十五

里每物一百斤該脚價鈔一錢六分六厘○通州下卸水路一千

六百七十五里每物一百斤該脚價鈔一錢七分二厘

秦家渡運至楊村下卸水路一百里每物一百斤該脚價鈔一錢四厘。河西務下卸水路一千五百里每物一百斤該脚價鈔一錢二分八厘。李二寺下卸水路一千六百二十里每物一百斤該脚價鈔一錢六分四厘。通州下卸水路一千六百六十里每物一百斤該脚價鈔錢七分。

○添合脚力價錢至元十五年 中書兵部符文奉

中書省判送戶部呈奉省判兵部呈洛滋路條永年縣申和雇脚力運運諸物每千斤百里脚價鈔一兩三錢今有車戶告即目物料湧貴乞依真定例添答事本部欲得比年隨路田禾不收草料湧貴若止依舊例和雇百姓委是生受參詳擬合照依真定例平地千斤百里一兩三錢加五添答一兩九錢五分山路亦依上分數添支奉都堂鈞旨送戶部照得參詳見搬諸物若依兵部已擬依真定例加五添答如草料減價依舊例呈奉 都堂鈞旨依上施行

○兵部呈准南京等路宣慰司開據河南等路申年終考較出事內一

項承奉上司文符凡有載運官物車輛多設寫鋪車站申照得除迎北有站車路分易為應副迎南無站車路分必須和雇差發其押運官物皆自行執把前路文字多無坐到斤重亦無和雇差發語句一到

下如便要依伊所說斤重應副脚力或令就支与見載車輛脚價少
不知意當該人負即彼說之支不知押運者果何官負不敢說中
間或有多支官錢亦不知會又照得迤北站車俱係輕便漢車取負
輕者止能運載一千斤迤南行走大車每輛可載數千餘斤其押運
官到迤南和雇車輛路分亦要依此車數自應副實是生受府司今
後凡有迤南官物車輛以此至車行先行前路文字明坐斤重毋令增
運官自行執把文字上該寫除北有站車去處應副站車起南无站
車路分或令差撥明白開寫使前路先知預備免致押運官毆打車
車官府買錢斤重多支官錢所載物件亦合令各處照依坐去斤重
應副車輛當司參詳若依河南府路申似為明白各處官司亦易應
副本部參詳如准本司所撥以為便益都省准其即依上施行

○**運軍人出征什物**至元二十三年湖南道宣慰司奉行中書省劄付為
運軍人出征什物等每千斤百里支脚價鈔三錢七分文奉省劄
發下文榜一道為和雇船隻脚價每千斤百水上水一兩下水減半
等事奉此榜各州申解戶委是不敷盤纏多有乘船在逃有誤軍情
大事若依榜運軍人亦原解定到脚價千斤百里放支鈔四兩一錢
一分驗程文給似為那戶樂便得此具呈行省劄付來呈見運軍器
脚價比前運糧價例除耗米價鈔外每百斤十里支鈔二兩一錢

外據照依市價餘一兩五厘等語按察司體覆相應至日定奪施行
○**運糧折價**至元三十一年正月 湖廣行省為起運真州糧一
十五萬石夷移准江西行省咨先為年例廣運真州米糧依舊每
石下水百里支鈔三分缸戶揭用不敷本省認得每米一石量添三
分通作六分移准 中書省咨該更為定奪體覆相應准擬施行惟
此割付鄂州路等處體覆相應依上添支去訖又照得至元二十九
年准東米糧五萬石三十年起運真州糧二十萬石亦依前項脚力
體例撥支了當今據見呈除已撥咨 中書省照驗定奪外照驗矣
運糧數扣算合支脚錢共支一半行缸戶開領施行

○**奉省判本**

呈奉省判本

部呈伯顏發管言撥民不便事內一件東平路起運諸

物元定每斤百里中統鈔一十兩草料每百斤實官吏脚價六數目今街

下程脚千片百里該鈔一十七兩若依街下脚價中統鈔一十七兩
崔亮不致擾民曹州申今後千片百里脚價例量添一倍汀州路中
如蒙照依街市兩平和在相應河南行省咨河南府申和崔脚力元
定千片百里山路一十二兩平川一十兩近年諸物湧貴其得脚價

差民夫如有違戾通設責罰以望百姓息肩稍得安集呈乞照詳奉
得此憲臺仰行移監臨分司督令合屬置立鼠尾文簿如遇必用八
夫周流歲次差撥毋致偏負侵害百姓仍仰嚴加体察施行自與

戶部卷之十三

典章二十七

錢積

幹脫錢

○通鑑紀事本末至元二十年二月十八日

中書省咨撒里蠻愛薛兩箇省裏摩拿

聖旨幹脫每底勾當爲您的言語是下道交罷了行來如今尋思呵這幹脫每的言語似是一般的在先

成吉思皇帝時分至公行有來如今若他每底

聖旨拘收了呵却去自來曾拘收抵休要者若有防送交百姓生受行底明白說者欽此

○通鑑紀事本末至元二十九年十月御史臺咨承奉

中書省劄付泉府司至七月二十四日本司少卿趙奉直責擊

御室

聖旨前來赴中書省開讀節該如今過得的每明有頭跡幹脫每若有呵與者別个失散了的无保人的每休要者做頭口去來的幹脫每真

个被不拜户要了呵变灾穷暴无氣力呵休陪者要了劣的幹脫每
委实劣暴生受呵休要者富的本力休要交納利者劣的若有呵他
的本分交納者又秃兒減磨絲裏兒青胤等依者幹脫每的体例裏
但得的利息納者道來欵此

○國朝舊例
大德二年八月二十日

江西行省近有家古文字譯

阿吉只大王令首亦孛子田地裏屬俺的幹脫分本分利分不納有這賠
速丁馬合謀爲頭使臣女孩兒小廝用省的物俺根底出來的時分
馳歇斟酌有舖馬他每根底与自交出來的您省官每識者麼道您
根底交付將來也敬此照得先欵奉

聖旨節該諸王駙馬并投下古隨路官負人等欠少分債照得

先帝聖旨如有爲民借了雖寫作梯已文契仰照勘端的爲差發支便有
備細文憑亦在倚閣之數仰諸王投下取索分債人負須管於宣統
司与欠債人當面照樣委實已身分債方无異詞依一本一利歸還
毋得徑直於州縣將欠債官民人等一面強行拖拽人口頭及准折
財產撥擾不安如違定行治罪又先欵奉

聖旨節該江南平定之後悉爲吾民今十有八年尚開營利之徒以人爲
貨今後南北往來販人客旅並行禁止欵此已經劄付合屬欵奉

聖旨事意毋得縱令收買良民違錯欠少幹脫外債人等依例施行外
轉送孩兒媳婦一節即係以人爲貨事理核准 都省咨該請欽依
聖旨事意施行

○聖旨大德五年六月欽奉

聖旨泉府司官人每委幹脫每裏多有公當裏行的營運外的人每行運
聖旨交各外買賣裏夫呵各路官人每

聖旨裏他每的名字不是麼道約當與生受有麻道奏來如今那般查尋
聖旨行的幹脫每的官人每外顯驗的文書將着行呵將他每的人等根
底休約當者麼道來既是這般宣諭了呵約當的路官不怕那幹脫
每根底也首會者不干自己人每根底休夾帶者夾帶的幹脫每有
罪過者

聖旨俺的

○聖旨大德六年十月江浙行省准 中書省咨二道有

札忽兒真妃子

念木剌大王位下差來使臣晏只哥歹等欽賚

聖旨追徵幹脫外物本省照得晏只哥歹等追徵

本位下外物不曾經由中書省亦无坐到元借幹脫外人戶花名分數
正坐到元借幹脫外人不曾坐平下法合與于孟林三名信從各人轉

指請人措欠分數長轉攀指二百四十餘戶追徵因而擾民不便除
已行下杭州路行務使臣晏只哥歹等着落元借幹脫分人不管等
下追徵外若不移咨本官保

位下差來人負誠恐迴還異詞妄說今後凡有投下追徵幹脫官分開
坐欠少戶計村庄姓名數目且呈都省轉咨行省行下拘該官同徵
理官民兩便請希咨回示都省合行移咨請照驗照依元坐取幹脫
勿各入姓名依理追徵毋致信從勿擾違錯

私債

○續前

中統二年八月敕奉

皇帝聖旨道中書省近換諸王駙馬投下蔡兒隨路管界欠人外債乞降聖旨取索事為有已降詔書誰誰所奏為此省論各路宣抚司如諸王并投下差人及債主取索外債之時仰備細照勘若管民官委係為民戶欠少債負照依已降

聖旨並行倚閣之數已後別行定奪仰債主並不得取索外換民間私借外債驗元債契止還一本一利其間雖有續倒文契當官喫抹並不准使若先有已還數目前後備同照弄止還一本一利又照得

先帝聖旨如有為民借了雖寫作梯已文契仰照勘端的為差發支使有備細文憑亦在倚閣之數仰諸王投下取索外債人負有管於宣抚司与欠債人面對照得委是已身私指外債別无異詞依一本一利歸還毋得延直於州縣將欠債官民人等一面強行拖拽人口頭疋准折財產擾擾不安如違定是治罪施行欽此

○續前

皇帝聖旨欽燕京路總管府同知郭汝梅奏告本路官負百姓富家子弟不問罪長暗与財主作弊取借債負及買賣田宅虛券契一兩紙

理使用意欲薄長上受場遠以致臨時破壞家業此律禁例專在
奏仰薄長在日甲勿不得私借錢債及典賣田宅人口財主亦不得與
富家通同借去錢債如違其借錢人并借與外人牙保人一例斷罪
及將元借錢物追沒入官仍仰中書省通行隨路禁斷施行欽此

○**延祐四年正月行禁罰付准** 御史臺咨延

祐二年十月二十八日日本臺官
奏過事內一件在前民間父母在時分他的孩兒每休空背地裏私借
外債恐怕壞了家私家道

世祖皇帝聖旨好生禁治來如今大都南北兩城并外路有一等潑皮又
人每般弄着人家卑幼子弟私借外債借一定鈔文書裏寫做十定
借一百定寫做一千定裝人破使等他爺死了之後圖謀產業婚還
麼道為這般上頭將家緣破廢了有更將父母墳墓內樹木研伐又
將磚石地土等物買賣敗壞風俗俺如今与省家文書交多出文榜
嚴行禁治依在前條例將那借了的外賣了物的外都交沒官將正
犯人并般弄着取外的借与外的人和保見寫文書的人及賣物的
人每根底都重要罪過教監察每廉訪同常加体察呵怎生奏阿那
般者嘴道的是有好生禁治着麼道

聖旨了也欽此咨請欽依施行

○至元十九年四月二十七日中書省

聞奏隨路權家勢要之家出放錢債逐急用度添利息每兩至於五分或一倍之上若無錢歸還呵除已納利息外再行倒換文契累弄利錢惟折人口頭及事產是於民不便俺与衆老的每商量來今後若取借外債每兩出利不過三分這般奏呵奉

聖旨那般者欽此

○諸人奉放外債每費月利三分止還一本一利已有禁條其有倒換

文契多取利息者嚴行治罪監察御史廉訪司常切休察至大改元詔

○至元九年山南湖東道蕭政照訪司爲常德路武陵

縣不應庚等告空縣承借中統鈔一十定不肯歸還取訖招詞不見

定例雜議區區申奉行臺劄付核准 御史案咨奉 中書劄付送

刑部議得在任官吏除親戚故旧之家外今後凡取借部下諸人外

債合行明立保見出息文約若不依數歸還理宜究治雜議計贓科

斷照降參詳擬合從一多者爲重准不枉法例減二等斷罪相應

都省推呈仰依上施行

○至大二年七月行臺准 御史案咨奉 中書省劄付來呈准西

廉訪司申准副使馬忠議牒親民之官取借部民外本理宜察絕若

有違犯驗所得息外計贓坐罪比依取受不枉法定論單司着詳副

使所言係爲例事理申乞照驗得此有詳如令合干部分設擬相應具呈照詳送刑部議得凡借部下諸人欠債合依已擬遵依都省元行明呈保見出息文憑依理歸還如有指借爲名不立保見又不依數歸還從一多者爲重依不在法例減一等所罪其持勢強恃就托上戶頭錢營運以求利者准上科罪相應具呈照詳 都省議得除親戚故旧之家余准部擬仰依上施行

○欽定大清會典事例大德二年八月 中書省擬樞密院呈准

奏軍官每他每取利息上頭故意的軍人每盤纏交違着軍每用着盤纏呵他每根底揭借有每月一兩鈔一外二外利外要有後的盤纏到來呵那債負裏還了有時呵那般放利外底依在先大体例裏一兩鈔一月三分家利外已上休要者今後多要呵本利沒官他每根底依体例要罪過呵怎生發道擬定來
奏呵那般者您依体例行文字者

聖旨了也欽此

○欽定大清會典事例大德三年正月欽奉

聖旨節該借外取息已有定例今後軍前放債虛外實契不許歸還多余取利者追徵改官的軍流罪

○管軍官吏放債照依通例取息歲月雖多不過一本一利如有取利無度蓄息作本以致軍戶損乏者追息回主仍予以治罪民官私債准此大德十年五月十八日命相部

○應管軍官李放本管軍人錢物記書到日尽行倚免典賣親屬悉听完發債不追还至天改元詔

○至元二十九年十月御史臺咨大城縣人戶趙琮等告本縣李主簿李放科粟公事除另行外議得比年以來水旱相仍開食之家於以家富李借糶糧不以利重唯得是圖且救目前之急自春至秋每石利息重至一石輕至五斗有當年不能歸还将息通行作本續納又契次年無還亦如之有一石还至數倍不能已者致使貧民准折出宅典產兒女倍債不足良為可惜理宜禁斷王奉中書省劄付送孔部議得李借耐粟合依鄉原例聽從民便李借年

月雖多不過一本一利如有續納又契欵依已降

都省准擬仰照驗施行

解典

○刑部題順治二年七月江折行省准 中書
省咨條江兩省咨龍興路洛錄事司中能瑞狀告大德六年八月初
三日將珍珠一千二百顆有零及玳瑁梳子六個於誠德庫內解訖
中統鈔一百二十五兩至大德七年八月十六日九月廿七日兩次
將本息鈔兩前去本庫不肯放贖勾問得誠德庫子張義洪指已過
周年下架了當得此照得元貞二年二月內准中書省咨該說得今
後諸人解典二周年不贖許令下架今問得在城豐義庫子張貴狀
據本庫除金銀珍珠二周歲下架其餘疋帛衣服諸物一十八個月
下架取訖如此結罪文狀緣珍珠疋金銀均是至具雜疋疋帛衣物
相比合无照依豐義庫金銀珍珠二周歲下架之例令能瑞叩弄本
息鈔兩取贖實為民便本省看詳若准本路所擬放贖相應咨請定
奪回示准此送礼部照擬回呈本部該得解典諸物係圖利息因為
定例不一以致爭訟繁多照得即日在京典庫有每兩二分者五十
個月方纔本息相對今應典諸物周年下架即係一十二個月日便
有過倍之利如此取息委是虧民應應典諸物擬合照依金銀一本
二年下架實為民便如蒙准擬通行各處遵依永為定例相應具呈

都省准擬次請照驗依上施行

○元貞二年二月 中書省議得今後諸人解與二周歲不贖許冬下祭